



Taropwen amwen ngeni family:

Annisi noumw murin high school



Fiffitikich won

- <https://gearup.wa.gov>
- <https://wsac.wa.gov/12th-year-campaign>
- <https://wsac.wa.gov/college-bound>

Ewe ewin ierin college ew fansoun amwet ika akasiwin ngeni meinisin.
Mei tongeni fissi ngeni chon sukuun ekkei sokkun mwokutukutun
sosot rne an emon tongeni:

Pekin monni.

Sukuun me nonomwun non college mi tongeni epwe me wate. Chon sukkun repwe weweiti ifa ussun ar repwe neuneu eoch money ren an esapw wor niwinimangen credit card

Neuneu eochun fansoun.

Chon sukuun epwene chomwongono ar angangen suukun repwe feri me nukkun ar kewe klass mi napeseni met ir mi feri non high school. Napengeni, chon sukuun repwe akkota ukukkun mwaren ruu awan stati ren ew me ew awan non klass.

Pekin kae ika Sukuun.

College epwe sokkono pwan aweires seni high school. Ekkoch chon sukuun ir mi mairu ika osukosuk ren ekei akasiwin.

Imwuno.

Ren wate, ir ra pusin mesemes won pusin ar mwokutukut. Chon sukuun repwe pusin akkota keukun ar sukuun, angang, nonomwur, ar onnut, pwan ar pwachet. Epwene pwan wateno met repwe tongeni feri, iwe pwan wateno wiser ika ar sekinnin.

Nonomwun emon.

Nupwen chon sukuun repwe poputa non ew minafen sukuun, repwe awora sefani ika poputani usun nonomwur me nukun. Ei mi wewe ngeni ar repwe chiechi ngeni ekkoch non rumwer, pwan akkota fetanin nonomwur non ew minafen neni.

Tips for Success:

- **Fiti Sukuun.** Fiti sukkun mei eucha non pekin kawesin me fisieochun pekin kae. Ese nenengeni high school, ewe wor epwe achema ngeni chon sukkun ar repwe wareiti sukkun, kekenong nupwen repwe etiwano sukkun, ika pachenong ne porous ngenir ika a chomwong otun ar etiwano suukun.
- **Suukun offes.** Mei wor otun sukkun offes an ekewe chon sukuun repwe churi neur kewe sense. Ei otun suukun offes mei kawor fan iten chon sukkun ar repwe kutta anninis, angei penuwian ar kapas eis, me kae ngeni met ekewe neursense re mochen senir.
- **Pachenong ika fiti mwokutukun sukkun.** Chon sukuun mi fiti mwokutukutun sukuun ir mi chengen pwan suuk ar ekiek. Mei wor kinikinni urumwot non college, ekewe nenni mwokutukut non, mweicheichen chon sukuun, pwan mweicheich ren ekkoch pekin kae mi kawor.
- **Kananterin sukuun, utti itomw seni ew class.** Mi affatetiw non kananterin sukuun ren innet otun rechister mi pwa pachenong innet kopwe tongeni uwau itomw omw kosapw chiwen fiti ew class. Nge ewe fansoun mi pwan affatetiw non ewe kananter ika innet emon chon sukuun epwe tongeni angei sefanni neun monni nukanapen ottun kae.



Ewe ewin ier non nimwu kinikin.

Ewe fansoun amwet seni high school ngeni college mi eucha ren pekin awesin kae ika an emon awesi metoch ren an tongeni. Chomwong chon sukkun, ika mwo re nomw won kampas ika ir mi sai towaw seni imwer ngeni imwen sukul ir meinisin mi mefi ekkoch sokkun memmef non ar ewin ier non college. Ekkei sokkun memmef mi wor mi eoch pwan fan chomwong mei fisi ngeni emon non nimwu kinikin. Ese wor fansoun mi pusin affat an epwe fis. Ekkoch chon sukul ir mi nomw non ekei fitu kinikinin memmef iwe mi pwan eochuno me mwen epwe muchuno ew kquarter ika semester, nge ekkoch mi mang an epwe wes senir.

**Nepoputan
ika ewin
kinikin**

**Fatanga
w ngeni
sokono
n ereni**

**Poputan
akasiwin
ngeni
nonomwun
ew neni**

**Pwositi imw
me nuku
kisikis**


**Ketiw me
wenechar**

Ewin kinikin: Ewe nepoputan kinikin

Chomwng chon sukkun ir mi mefi eurek, chengen ren met epwe fis, pwan ew minafen memmef ren ar repwene pusin uta won ar nupwen sukul epwe poputa. Pwositi imw me mochen ar repwe porous ngeni ar famini mi pwan fisi ngeni chomwong. Chon sukkun rapwan assine ngeni chon non rumwer, ika wor minafen chiechier on kampas, pwan kae ngeni ar repwe sinei meinisin neni. Ei fansoun ew atun a chomwong met chon sukkun repwe meni ren ekewe pisek ren puken sukul, pisekisekin sukkun, pwan eningan non rumwer ika masowen non rumwer.

Pesepes ngeni famini

- Faniten ewe Family Educational Rights and Privacy Act (FERPA), ew sukkun ese tongeni epwe porous ngeni ekewe inn me sam ren tichikin porous fan iten emon chon sukkun ika rese angei mumwuta seni ewe chon sukul. Ika ke mochen kopwe katon kreitin noumw ewe, iwe kopwe akomw porous ngeni noumw ewe.
- En me noumw ewe mi tongeni wor remi ekoch osukosukan memmef nupwen noumw ewe epwe poputa sukul.
- Eusening fiti suukun ekiek pwan awora pesepes.
- Pesei ngeni noumw epwe tungor anninis ika mi mochen, fiti an ewe sukkun mwokutukutun etiwi, pwan churi chiener kewe minafen chon sukkun.
- Pwaari ngeni noumw ewe omw nukkunuk pwe epwe fetanoch non an ewe nenien kae mi minafe.
- Kopwe anninis usun emon chon osukun ika kait sokun pekin kae epwe kae ngeni, me pekin angang.
- Pesei ngeni noumw an epwe pusin awora met epwe achocho ngeni non sukkun. Kopwe weweit pwe nenien pekin kae non college mi sokkono seni high school. Mi tongeni an chon sukkun resapw mutir me angei ekewe keukun kreit ir mi angei akomwan.
- Kapas won pekin kametiwen metoch, neuneun money, me kefinin pekin angang.
- Kapas ngeni noumw ewe ika epwe kan fan fite ami oupwe tongeni kapas fengen won phone, non taropwe, email, me mak no message.
- Porous ika akkota epwe fan fitu epwe ettino non imwemi we ika fan fitu an famini repwe etino won kampas.
- Porous won met ouw mochen epwe fis ika nukunuk ren pekin kae ika sukkun, met



Popwutan apworous

- Met ke koon nennenoi me monota ngeni omw kopwe feri nupwen omw kopwe fiti ei sukuun?
- Met ke koon nuokusuti?
- Met omw kokkoot ren ussun omw kopwe kapongan amwirimwir ngeni chienomw kewe ir mi nomwetiw ren imw ika ekkewe ra fiti ew sukuun?
- Met omw akkot ren omw kopwe porous ngenir?
- Epwe ifa ika ukukun ach sipwe chok porous ika chufengen?
- Fan fite omw mochen kopwe wareiti imw?
- Mi ifa ussun chienomw ewe non rumwemi?
- Meni nein omw kewe class ke koon pwapwaiti?
- Ka kuneukun nenni mi eoch ngeni omw nenien staati?
- Met sokkun mwokutukutun sukuun ka pin fiti?
- Mi kokkot eoch neuneun noumw monni usun met en mi akkota?
- En mi akkoten kut noumw credit card? En mi weweiti manamanen niwinimang me ifa ussun an epwe angawa nonomwun omw kredit?


Oruwen kinikin: Mairu ika ossukosuk ren sokonon ereni

Chon sukuun ra poputa me weweiti pungun ren akasiwin ngeni nonomwun non college. Ra poputa mei angei kapasen eureur ren pungun ar angang ika met ri me feri. Ekkoch repwe mefi weiresin ika osukosukan chomwongun ar angang, ewin kreditir ren test, ika osukosukan neuneu eochun fansoun.

Chon sukuun repwe mefi nge ese eoch ngenir nonomwun ewe neni ika mefi eurek ika nuokus. Me tongeni epwe keran fisi ngenir ekkei sokkun:

- Nomwengeni emon ese sisinei non ew rumw.
- Neuneu eoch ngeni fansoun me monni.
- Kutta aninnis ika ii chok chon pusin annisi.
- Akkota pekin sai seni imw ngeni sukuun.
- Nonomw non minafen nenni.
- Akkota omw kewe kae mi aweires pwan angang.

Nupwen uchok omw ekieki nge aa taweochno nonomwun noumw ewe non college, mi tongeni epwe wor ewe oruwen kinikin ren keke won fone, text, ika email. Ei kinikin mi tongeni epwe wesino. Ammen eucha omw kopwe eusening me aninniseoch. Achema ngeni nouwm chon sukuun nge ena memmef mi kan pusin ina usun. Mei wor ekena pekin aninnis won kampas mi tongeni epwe anisir. Rechok niit ar repwe tungor.



Pesepes ngeni famini

- Etipetipa ika kapasen pesepes ngeni noumw ewe pwe mi tongeni epwe nonomw eoch ika fetan eoch non ei nenni. Porous won tufichin kae me neuneu eochun fansoun, pwan aiti ngeni ekewe pekin aninnis won kampas.
- Eis ren fansoun kae, keukun angang, pwan an fiti ekewe amweicheich ika mwokutukutun won kampas.
- Pesei ngeni noumw chon sukuun epwe churi neun sense pekin aninnis pwan porous ngeni ewe advisorun sukuun nupwen epwe fini an kewe class ngeni en ew semester.
- Annisi noumw chon sukuun an epwe pachenong me sinei okkotun me mwokutukutun non imw. Etiwa ika pwaari pwe en mi weweiti nge noumw ewe epwe netipengaw ren an esapw fiti uputuan chon non an famini, holidays, pwan mwokutukutun non nenian
- Porous won akkoten ekewe mwokutukut epwe fis, ren omw sai ngeni imw ren asesen Thanksgiving. Ekewe otun asesen sukuun mei chok mwutir arapetor-ifa usun an ei epwe awora akasiwin me non imwomw ewe?
- Titti ngeni pisek fiti taropwe seni chon non imwan ewe, pwan pisek mi eucha ika minen mwongo ar repwe aa fengen me chienan non rumw ika chiechian kewe.

Conversation Starters

- Ifa usun omw akkota keukun omw angang?
- Ifa usun kokotun otun omw kae?
- Met sokkun course en mi ekiekin angei non ew quarter or semester?
- Eni ekiekin fiti ewe ekewe amweichech ika mwokutukun sukuun? Menni nein? Pwata?
- Ka fen churi emon nein noumw kewe sense ika ekewe chon aninnis me osukuu?
- Ka pin etino non ekewe nenien aninnis an chon sukuun won kampas, ren ewe nenien tutor ika nenien aninnis ika amwen ngeni chon sukuun ika ewe nenien mak?
- Met kopwe feri nge epwe siwin non omw tess/ika taropwe an epwe eochuno?
- Met sokkun pekin aninnis omw ewe sukuun mi awora ren an anisuk ren met ekewe mi weires ngonuk?



Eunungatin kinikin: Poputan akasiwin ngeni nonomwun ewe nenni.

Nupwen aa eketo ekei ier, epwene poputa me wor tetenin met noumw ewe epwe feri. Repwene sinei eochu nonomwun won kampas pwan ewe minafen nenien kae me met mi fifis non ewe neni. Ar aporous nupwen ar kekeri imw epwe men ameseik me amwarar. Ir mi tongeni ar repwe kan uchok keke fan ekoch. Eochum, iwe ir mi kokoteoch ngeni ewe minafe manaw ika nenni.

Mi euchea an epwe chok wor chufengen me poporous fengen. Ika noumw ewe epwe nomw won kampas ika non ekewe nenni ren ewe sukuun, mi tongeni an epwe wor an osukosuk ngeni chochon non rumwan ewe. Mi tongeni an noumwe ewe epwe nomw ren emon mi sokofesen nonomwur. Napengeni chon sukuun mi tawe no ar osukosuk nupwen repwe poporous fengen ren ar kewe osukosuk, ika fos ngeni ewe advisorun ekewe imw. Non college ika university, ewe Advisorun non imw ii chon wisan mesemes me tumunu chon non ewe neni, napengeni ekewe kukkun ika chon sukuun ren nomw non ekewe imwen sukuun ika tomw.

Ika noumw ewe mi chok nomw non imi iwe no ngeni imwen sukuun, iwe ina epwe fatafatangaw ngeni nonomwun won kampas ika esapw sinei ia epwe no ia ren pekin aninnis pwan chon non ewe sukuun. Chon sai seni imw ngeni imwen sukuun repwe akota eochu ar sekinin me non imw pwan non sukuun. Mi euchea ar repwe asinne ngeni nour sense me chiechier chon sukuun. Ir mi tongeni anonganong won ekewe aninnis nuukun me pwan tongeni kutta aninis ren metekewe mi kawor non nenien sukuun.

Non ei fansousn, chon sukuun ir mi pwan katon sefan usun ar neuneu eoch ngeni fansoun. Ir repwe pwan katon eoch eoch ekewe

kinikinin kae me pekin angang. Repwe awora akkot ngeni ewe advisorun sukuun. Ekkoch chon sukuun ra poputa me akkota ar repwe mwokut seni kampas non en ew kinikinin sukuun epwe eto.

Poputan aporous

- Ka fen amwosoua taropwen FAFSA ika WASFAren en ew ierin sukuun epwe eto?
- Met en mi sani ren omw kewe minafen class?
- Mei wor met en mi feri ren akasiwinin pekin omw kae non ei semester?
- Ka fen finata met kopwe feri non ei aseseen spring?
- Aporousa ngeni ei ifa usun chiechiomw kewe non sukuun.
- Ka fen finata ian kopwe ian non en ew year?

Eureur ngeni famini

Famini mi tongeni mefi eureki ren kreitin neur chon sukuun. Eis met sokkun akasiwin mi tongeni epwe fis ren epwe echuno me taweoch nonomwun non sukuun. Eis ika ir mi kutta aninnis seni ekewe nenien aninnis non nenien sukuun.



Eruanun kinikin: Pwositi imw me ese chuen wor apinnukunuk

Otun wesinon tess, chomwong chon sukuun ra niwiniti imw ren asesen winter, nge mi tongeni wor osukosukan ren ifa usun ar repwe siwin ngeni kokkotun nonomwun non imw. Ren chomwong, asesen winter ew fansoun a tufich ngeni ar repwe annafa ar onnut me churi sefani chiener kewe rese kuner non fitu maram. Repwene pwan poputame angei kreitir iwe repwene mefi pwapwa, netipengaw, ika kinamweno.

Napengeni poputan pwositi imw ekan fis murin asesen sukuun. Mi tongeni an epwe wor ren noumw ewe apinukunkungaw me esapw wor an nukunukun ren minafen nenian sukuun. Fan chomwong chon sukuun ra pwan ekieki ika college mi fen eoch ngenir ika college mi pungjeni ururun epwe ifa usun. Pwositi imw mi eoch metoch mi pusin fiffis. Nge renewe fansoun miwatte akasiwin, meiworatun an chonsukuun repwe mefi pwapwaaika netipengaw. Chomwong chon sukuun ir mi mefi pwos fan ew ika fan ekoch non ar ewin ierin sukuun. Ikkei ekkoch metoch en mi tongeni feri omw kopwe annisi noumw ewe:

- Etipetipa noumw ewe me achema ngeni pwe ekan pusin ina usun nupwen sipwe pwositi imwach.
- Sopweno me eusening eoch fiti fateochun ekiek pwan aninis non kapasen eureur.
- Pesei ngenir ar repwe fiti ekewe mwokutukutun sukuun ika fiti mweicheichen sukuun.
- Ewe health center ika nenien misamwauwon campus ew nenni mi murinee mi pwan tumwun ren aninis ngeni chon sukuun mi torir osukosukan pwos ika nuokus me semwenin ekiech chomwong ika rese chuen pwapwaiti metoch.
- Ika noumw ewe e nomw non tomw, iwe pesei ngeni an epwe porous ngeni ewe advisor non tomw.

Enimwuan kinikkin: Angangen etiwa ika chufengen meinisin usun uchok iir ew

Chon sukuun ra keran mefi nge ir chochon non ewe nenien sukuun. Ra keran mefi nge a usun chok non imwer. Napengeni chon sukuun ra epinukunuk eoch ren ar sinei eoch neuneun fansoun iwe rese pwan chuen weires ren ar kewe tess. Repwene pwan makkei iter ar repwe fiti sukuun non fall iwe pwan pusin nemenemer ren summer ika repwe pwan sukuun. Ekkoch chon sukuun repwe tiperiweriw ren ar repwe no non summer, nge ekoch repwe finata ar repwe nomwetiwr ar repwe sukuun pwan kuta tufich me angang non summer.

Ika noumw ewe epwe nonomw non imw otun summer, nonomwun epwe ekis sokkono seni an ewe mi chok high school. Mi tongeni epwe wor wewengaw me osukosuk. Noumw ewe ina epwene kinamwe ngeni ika ereni an epwene pusin uta won an, akaewin ren an esapw pwan esinesin ngeni emon ren ian epwe no ia. En mi tongeni ekieki pwan en mi sinei met noumw ewe ekan sani me nonomwun, nge inakopwe pusin kuna nge mi wate akasiwinin noumw ewe nge ese pwan aporousa ngonuk. Porous fengen me awora sufen ina ena key.

Poputan porous

- Meni ekena klass kopwe angei non en ier epwe eto? Ka poputa me kinietiw omw kopwe sinei omw major?
- Met ke mochen ren akotun neniomw non en ier epwe eto?
- Ifa usun omw ekiek ren omw akasiwin non ei ier?
- Met ke aneanei nge en mi siwini met ke fer non omw ewe ewin ierin sukuun?
- Uwa men pwapwaiti me ingeiti meinisin met en mi kae ngeni me awesi non ei year!

Pesepes ngeni famini

Nupwen noumw ewe chon sukuun epwe poputa me akota an finata ren pekin imw ika ian epwe nomw ia ika a poputa sukuun non en ier, iwe kopwe porous ngeni won meinisin mi euchaera ren pekin imw an epwe ekiekeoch won. Atona eochu met sokkun nenni epwe murine ngeni noumw ewe an epwe fetanoch non an kae.

